

Virus Fahi Afrikana

Virus Fahi Afrikana (African swine fever - ASF) nu'udar moras viral ne'ebé hada'et fasil tebes entre fahi sira, no agora daudaun moras ne'e barak ba beibeik iha Europa Leste, Xina no Sudeste Aziátiku.

Karik iha epidémiku ASF iha Austrália, ida-ne'e sei hamosu impaktu signifikativu ba saúde fahi nian, produsaun naan-fahi no destrui Austrália nia indústria naan-fahi nian karik moras ne'e tama.

Moras ne'e bele hada'et liuhosi kontaktu diretu ho fahi ne'ebé hetan ona moras ne'e, veikulu, ekipamentu ka roupa kontaminadu no bainhira fó swill (hahán restu) ka naan restu ne'ebé kontaminadu ba fahi atu han.

Laiha vasina ka tratamentu. Importante tebes hodi prevene ASF tama Austrália no ami presiza Ita-Boot nia ajuda.

Importante tebes atu uza prátika bioseguransa ne'ebé forte no garante ijiene.

- Ema bele lori ASF iha sira-nia kulit, roupa, sapatu no iha sira-nia fuuk. Bainhira Ita-Boot no Ita-Boot nia traballadór sira tama fatin agrikultura ka área produsaun tenke garante atu uza:
 - ferramenta, botas no ekipamentu iha fatin agrikultura ne'e, karik disponível
 - fatin hodi fase sapatu
 - desinfetante ne'ebé apropriadu, hanesan Virkon S ka kloru, hodi desinfeta ekipamentu.
- Bainhira Ita-Boot ka Ita-Boot nia traballadór sira sai husi fatin-agrikultura ka área produsaun, tenke desinfeta botas, roupa, veikulu no ekipamentu ruma ne'ebé atu lori sai husi fatin ne'e.
- Tenke fase liman ho sabaun no bee molok no depoizde iha kontaktu ho animál.

Fó atensaun ba traballadór sira husi rai-li'ur.

- Ema sira ne'ebé iha kontaktu ho fahi iha sira-nia nasaun rasik tenke hein loron hitu molok iha kontaktu ho fahi iha Austrália ka tenke evita kontaktu hotu-hotu.
- Traballadór sira labele lori roupa ka ekipamentu ruma ne'ebé uza bainhira iha kontaktu ho fahi iha sira-nia nasaun rasik bainhira sira tama Austrália.

Hatene sinál sira.

Detesaun sedu importante tebes hodi halakon moras ne'e. ASF nia sintoma sira inklui:

- mate derrepente, ka mate iha loron 1-2 nia laran
- kulit mean balun-balun, liuliu parte tilun
- laiha vontade han
- halibur an ka subar an iha sikun
- tee-been, ne'ebé bele kontein raan.

Proteje Ita-Boot nia propriedade.

Buka informasaun kona-ba oinsá bele garante Ita-Boot nia fatin agrikultura moos nafatin, husi website kona-ba bioseguransa fatin agrikultura nian iha farmbiosecurity.com.au

Kuandu suspeita buat balun, telefone ami 1800 675 888.